



perkongsian bersama daripada para panel ( Dr. Muhammad Asyraf dan Encik Farid Japeri) dan moderator ( Alya Nasuha dan Nurul Izzah)

#### **FORUM ANTIDADAH: KENALI DAN HINDARI**

Serdang, 30 Jan – Seketariat Kerohanian, Kebajikan dan Keselamatan (3K) Kolej Tun Dr. Ismail telah menganjurkan forum antidadah: kenali dan hindari yang disiarkan secara siaran langsung di saluran youtube KTDI dengan tontonan melebihi 800 penonton pada malam tersebut.

Forum tersebut telah dikendalikan oleh dua orang moderator iaitu, Nurul Izzah dan Alya Nasuha bersama panel jemputan Encik Farid Japeri dan Dr. Muhamad Asyraf

Dr. Muhammad Asyraf ada menyatakan melalui kajian beliau tentang penggunaan dadah. Antara asbab *relapse* (pengambilan semula dadah) ialah, lemah semangat, masa lapang yang tidak dimanfaatkan, tiada sokongan keluarga dan masyarakat, masalah kewangan dan penggunaan wang, serta kurang pemahaman dalam agama. Menurut beliau lagi, ketagihan dadah juga boleh membawa kepada risiko kerosakan dari segi mental dan fizikal. Kerosakan dari segi mental, seorang penagih akan mengalami *psychotic feature* seperti, *schizophrenia* iaitu halusinasi dan delusi, dan juga *short-term memory* (ingatan jangka pendek).

Seterusnya, menurut Encik Faris Japeri daripada statistik Agensi Antidadah Kebangsaan (ADK), 2019 bahawa terdapat 142 199 jumlah penagih dadah yang dikesan iaitu dengan anggaran terdapat lebih kurang 360 orang penagih dalam sehari dan juga 16 orang penagih dalam masa sejam. Perkara ini amat membimbangkan terutamanya keatas rakyat Malaysia dan perlu di cegah. Menurut beliau lagi, rawatan yang digunakan untuk mengatasi ketagihan dadah adalah berdasarkan empat elemen, biologi, psikologi, sosial dan spiritual.

Menerusi program itu juga, pengarah forum antidadah: kenali dan hindari, Ain Yumni merangkapkan jutaan penghargaan kepada moderator, panel jemputan dan juga ke atas para penonton dalam menjayakan forum tersebut serta berharap agar para hadirin dapat mengambil iktibar dan pengajaran daripada perkongsian tersebut.



adah : Kenali Dan Hindari | Kolej Tun Dr Ismail | Teguh . Dinamik . Intelek | Don't forget to share, like, and comment

Pengarah program (Ain Yumni Binti Baharom) memberikan ucapan penghargaan sebelum mengakhiri forum tersebut.

Melalui forum ini, para penonton dapat mengenal kesan buruk penyalahgunaan dadah dalam diri, keluarga, masyarakat dan negara. Selain itu, kita dapat mengelakkan diri daripada terjebak dalam kancang penyalahgunaan dadah.

Moderator mengakhiri program ini dengan penghargaan kepada para penonton dan juga nyanyian *We Love UPM* serta pemberian merit melalui pautan yang disediakan.